

# ДЬУЛУРҢАН



Париж-2024

## Күүрүүлээх күннэр үүннүлэр

Франция киин куоратыгар — Парижка XXXIII сайыгны Олимпийскай оонньуулар түмүктүүр түһүмэххэ табыстылар. Олимпиада түмүктэнэрэ түөрт күн хаалла, түөрт быһаарылаах күннэр...







Билэргит курдук, түөрт сылга биридэ ытыгылар киһи-аймах сүдү оонньууларыгар Саха сириттэн биэс спортсмен кыттар. Бу, үчүгэй көрдөрүү. Саха сирин спорка ситиһиитэ диэххэ сөп. Билигин спорт наһаа идэтиэн хаалла. Кыайы туһугар араас ньыманы барытын тутталлар. Оттон урут, бу улахан тэрээһини төрүттээбит Пьер де Кубертэн этэн хаалларбытынан, анардас Олимпиадаҕа кыттыгы — бу улахан ситиһини, спортсменна бэйэтигэр үөрүү-көтүү, кыайыы этэ.

Билигин, олимпиец аатын ылыыга элбэх сүүмүрдээһини, моһолу ааһабын. Онон Олимпийскай оонньууларга үрдүк көрдөрүүлээхтэр, күүстээхтэр, быһыйдар, сымсалар талыллан киирэн кытталлар. Бастакы санааҕа, биһиги спортсменнарбыт барыллааһын сыалларын-соруктарын ситистилэр, олимпиец буолан үйэ-саас тухары ааттарын үрдэттилэр, үйэтиттилэр. Ол эрэн, син эмиэ, «ханнык саллаат — генерал буолуон баҕарбатый» диэбиккэ дылы, ханнык спортсмен бэйэтин кыабын, күүһүн Олимпиадаҕа тургутан, холонон көрүүн баҕарбатаҕай?

### Олимпиецтарбыт кыттар күннэрэ:

Хотугу Македонияттан чизин көмүскүүр, көнүл туштууга Европа чемпиона **Владимир ЕГОРОВ** быйылгы Олимпиадаҕа сахалартан бастакынан суолу тэлэр. Кини күрэхтэһиитин бүгүнгүттэн — атырдыах ыйын 8 күнүттэн саҕалыйар. Билэргит курдук, В. Егоров Олимпиадаҕа, Аан дойдутаағы олимпийскай эмитиэт (МОК) быһаарытынан, Арийаан Тютрин оннугар киллэриллибитэ. Биридэ санан көрдөххө, кини сүтэрэрэ туга суох. Ханнык да бөлөххө түбэстэр, кими баҕарар өмүтүннэрэн кыайар кыахтаах. Син эмиэ 2022 сыллаахха Европа чемпионатыгар



тыылан-хабыллан тахсыбытын, чабылхайдык тустубутун курдук.

**Виктор РАССАДИН** уонна **Айаал ЛАЗАРЕВ** сарсын — атырдыах ыйын 9 күнүттэн күрэхтэһэллэр. Бөҕөстөрбүт иккиэн даҕаны, этэргэ дылы, ууну-уоту ааспыт, үөрүйэхтээх спортсменнар. Күрэс былдыаһы уонна тустуу мындырын, муудараһын барытын бэйэлэрин эттэринэн-хааннарыннан, өйдөрүнэн-санааларынан билбит, эр киһи саамай сиппит-хоппут сааһыгар сылдыаллар. Кинилэр спортсмен да быһыытынан араас үрдүк көрдөрүүлэрин — тустуу эйгэтигэр биллэр, бэйэлэрин ытыктатар, тэннэ аахсар бөҕөстөрүнэн биллэллэр. Төһө да бөлөхтөргө күүстээхтэри аттаран туруорууларыгар түбэспэтэхтэрин үрдүнэн, Виктордаах Айаал олимпийскай мэтээл иһин киирсэр кыахтаахтар диэн бүк эрэнэбит.

Оттон Австралияттан кыттар **Георгий ОКОРОКОВ** өйүүн, суботаҕа — атырдыах ыйын 10 күнүгэр көбүөргө тахсар. Биһиги киниэхэ эмиэ эрэнэбит. Олимпиада — ураты тыыннаах күрэхтэһии дииллэрин элбэхтик истибиппит, аахпыппыт. Манна эн урукку аатын-суолун, ситиһин-кыайытын улахан оруолу оонньообот. Олимпиада диэн, ким барыта талаһар үрдэлэ. Бастатан туран, тэн таһымнаах дьонно, маастарытыбаны тэнэ, өй-санаа өтгүнэн бэлэмнэ, кыайыыга дьулуруун улахан быһаарар оруоллаах.

Санаан көрүн, аатырбыт Али Алиевы, аан дойдуга биэстэ бастаан баран, үс Олимпиада тухары «ытыһын соттубутун». Эбэтэр, итальянец Поллиону, американец Сехудоны... Кинилэр, улахан ситиһиитэ суох сылдьан, соһуччу кэриэтэ олимпийскай чемпионнарын буолбуттарын.

Спорт көрүннэриттэн биир саамай ыараханнара — марафон (42 км сиргэ сүүрүү). Манна кырдык да сындаһыйбат сындаһыннаахтар, хорсун санаалаахтар, уонунан сылларга хатарыллыбыттар эрэ күрэс былдыаһаллар. Биһиги дьэ, **Сардаана ТРОФИМОВА**БИТ оннук таһымна сылдыар. Кини, Олимпиада бүтэһик күнүгэр, бу өрөбүлгэ — атырдыах ыйын 11 күнүгэр сүүрэр. Син эмиэ үөһэ ахтылыбыт спортсменнарбытыгар курдук, киниэхэ эмиэ сүрдээһин эрэнэбит, биир дойдулаахтара буолан ыалдыабыт.

Онон дьэ, спорду таптааччыларга күүрүүлээх күннэр үүннүлэр, олимпиецтарбытыгар барыларыгар ситиһиилээхтик кыттыахтара диэн эрэнэбит уонна Парижтан үчүгэй сонуннары долгуйа күүтэбит...

илдьит

### Ааҕааччылар истиилэригэр!

Сайынны уопуска кэмигэр кылгас болдьоххо «Дьулурҕан» тохтуу түһэрин биллэрэбит. Сүтэримэн, суруктаргытын бэлэмни сылдыын. Күһүнгүттэн эмиэ бэчээттэнэн киирэн барыахпыт.

Редакция.

Петр ПАВЛОВ.



## спорт историята

## Остуол тенниһигэр спорт маастардара

Республика олохтоохторо спорт элбэх уонна араас көрүҥнэригэр биһирэһэбит, бэркэ биһирэһэбит көрүҥнэринэн — остуол тенниһе буолар. Аҕа саастаах дьон өйдүүрүнэн бу көрүҥ, 1960 — 1970 сылларга республикага тэтимнээхтик сайдан, ордук оскуола оҕолоро, ыччаттар сөбүлээн туран дьарыктаммытара.

Ол курдук, Чурапчытан быраатты Станислав, Александр уонна Михаил Дождурептар, П. Оконешников, М. Кронникова уонна да атыттар остуол тенниһигэр республикага ситиһилээхтик оонньообуттара. Кинилэртэн сорохторо Дальнай Востокка тийэ күрэхтэспиттэрэ. Ол гынан баран, оччолорго үчүгэй спортивной база уонна анал тренердэр суох буолан, кинилэртэн ким да спорт маастара буолбатаҕа.

Кэлин 2000 сыллартан республикага остуол тенниһе өссө тэтимнээхтик күүскэ тэнийэн сайынна. Урут ситиһилибэтэх сана спорт чыпчааллара ылыллыбыттар. Саха теннистэртэр дойду араас регионнарыгар тийэн эрчиллэн, күрэхтэһэллэрэ элбээтэ. Билигин сахалар аан дойдуга күүстээх оонньооччулардаах ыаллы Кытайга тахсан эрчиллэр буоллулар. Онон оонньооччулар техникалар уонна маастарыстыбалара биллэрдик үрдээтэ.

Билигин Саха теннисчигэр Дальнай Восток федеральной уокуругар биһирэ күүстээх оонньооччулар ахсааныгар киирэллэр. Россия атын регионнарыгар тийэн, ситиһилээхтик күрэхтэһэн төннөлөр.

## Эр дьонно биэс маастардаахпыт

Бастын оонньооччуларбыт Россия спордун маастарын нуорматын толордулар. Ол курдук, билигин тургунаан, Саха сириттэн остуол тенниһигэр эр дьонно барыта биэс Россия спордун маастара үүнэн табыста. Спорт бу көрүҥэр

ситиһилэммит Владимир Сыч (Ленскэй), Василий Румянцев (Уус Алдан), Ньургун Сабарайкин (Таатта), Михаил Кылабысов (Мэнэ Ханалас) уонна паралимпийскай спорт бэрэстэбиитэлэ Михаил Неустроев (Амма) Россия спордун маастара бочуоттаах аатын ылары ситиспиттэрэ.

Республикага остуол тенниһигэр оонньооччулар бастын спордун маастарын аатын, итиэннэ дастабырыанньатын уонна значогун илиитигэр туспут киһинэн Владимир Сыч (Ленскэй) буолар. Кини 2011 сыллаахха Владивостокка буолбут Дальнай Восток чемпионатыгар эр дьонно биридиилээн бастыыр иһин (личнай зачекка) кыайыылааҕынан тахсыбыта. Оччолорго кини Италияга аҕагыгар В. Я. Сычевка эрчиллэрэ. Саха сирин спорда чизин көмүскүүр баҕаттан, Европаттан Азияга көтөн кэлэн ити сыл республика сүүмүрдэммит хамаандатыгар киирэн күрэхтэспитэ. Ити чемпионатка республика биһирэ сана тахсан эрэр, эдэр, кэскиллээх теннисчигэ Василий Румянцев эмиэ Кытайтан кэлэн, Саха сирин спорда чизин көмүскээбитэ.

Дальнай Восток чемпионатыгар уолаттар иккиэн ситиһилээхтик кыттыбыттар. Владимир Сыч эр дьон биридиилээн күрэхтэһиллэригэр эрэллээхтик чемпионнабыта. Онтон кини Василий Румянцевы кытта иккиэн эр дьон пааранан күрэхтэһиллэригэр (разрядтарыгар) бастабыттар уонна Россия спорда маастарын нуорматын эрэллээхтик толорбуттара. Бу иккиэн-



▲ Василий Румянцев.

нэригэр улахан ситиһи буолар. 2012 сыллаахха олунньу 14 күннээҕи дойду спордун министэрин бирикээһинэн маннай Владимир Сычча, онтон ити сыл атырдык ыйын 24 күнүгэр Василий Румянцевка Россия спордун маастара аата ингэриллибитэ. Кэлин сылларга Василий Румянцев теннискэ республика лидерэ буолла. Кини Саха сиригэр уонна Дальнай Востокка элбэх төгүл чемпионнаата.

Чурапчытаагы физкультурна уонна спорт институтун үөрэнэн бүтэрбит Ньургун Сабарайкин остуол тенниһигэр спорт маастара буолар баҕа санаатын 2019 сыллаахха ыам ыйыгар Алтайскай кыраайга буолбут турнирга толорбута. Манна Россия 18 регионуттан күүстээх теннисчигэр (барыта 89 эр киһи уонна 58 дьахтар) кэлэн ким күүстээх оонньооччу буоларын быһаарсыбыттар. Састаап олус күүстээх буолан, биридиилээн күрэхтэһиһигэ аҕыс бастакы уонна пааранан оонньооччуна икки бастакы миэстэлэри ылбыттарга — спорт маастара ингэриллэрэ көрүллүбүтэ. Манньык эппиэттээх күрэхтэһиһигэ Ньургун Сабарайкин Сергей Фильчевы (Воронеж) кытта эр дьон пааранан күрэхтэһиллэригэр оонньоон иккис бириистээх миэстэҕэ тахсыбыттар. Онон, Ньургун спорт маастарын нуорматын толорбута. Маастар аата, 2020 сыллаахха ыам ыйын 27 күнүгэр ингэриллибитэ.

Хотугулуу Илин федеральной университет студена Михаил Кылабысов 2019 сыллаахха эстинньигэ Пермь куоракка «Наследие» турнирга кыттыбыта. Онон эр киһи уонна дьахтар пааранан (смешаннай) разрядыгар Валентина Сабитованы (Нижний Новгород) кытта биһирэ киирэн күрэхтэспитэ. Итиэннэ, ситиһилээхтик кыттаннар,

үрүн көмүс мэтээли ылбыттар. Онон Михаил Кылабысов Россия спордун маастарын нуорматын толорбута. Барыта 64 паара баара, күрэхтэһиһи олимпийскай систиэмэнэн ытыллыбыта. Онон, биһир дойдудаахпыт кытаанах тургутууну ааһан, туруоруммут сыалын ситиспитэ. Киниэхэ маастар аата 2020 сыллаахха ахсынны 4 күнүгэр ингэриллибитэ. Остуол тенниһигэр сахалартан саамай эдэр спорт маастарынан буолар.

Остуол тенниһинэн доруобуйаларынан хааччахтаах дьон, эбэтэр паралимпийскай спордун дьарыктанар дьон эмиэ умсугуйан туран дьарыктаналлар. Кинилэртэн биһирдэстэринэн Амнаттан төрүттээх Михаил Неустроев буолар.

2017 сыллаахха муус устарга Алексин куоракка (Тула уобалаһа) доруобуйаларынан хааччахтаах дьонно ортолоругар Россия чемпионата ытыллан ааспыта. Онон Михаил Неустроев тренерин Константин Владимировы кытта тийэн кыттыбыта. Бастакы холонуу кураанахха буолбатаҕа, Михаил Неустроев бэйэтин бөлөбөр үһүс бириистээх миэстэни ылбыта. Онон, кини ити чемпионатка спорт маастарын нуорматын толорбута. 2018 сыллаахха атырдык ыйын 24 күнүгэр Россия спорда министирин бирикээһинэн киниэхэ ити аат ингэриллибитэ.

## Кинилэри ахтан аһар тобоостоох

Республикабыт спорда чизин көмүскээбит хас да Россия спордун маастарын туһунан ахтан аһар тобоостоох. Ол курдук, спорт маастара Михаил Бутылев Дальнай Восток чемпионаттарыгар республика сүүмүрдэммит хамаандатыгар киирэн хамаанда кыайары-

гар улаханньык көмөлөспүтэ. Кини бэйэтэ Саха сиригэр Өлүөхүмэҕэ 1978 төрөөбүтэ. Кэлин Приморскайга тийэн олохсуйбута. Онон остуол тенниһинэн күүскэ дьарыктанан спорт маастара буолбута. Төһөннө төрөөбүт Сахатын сиригэр олоро сылдьыбыта. Онтон, билигин Уссурийскай куоракка тренеринэн үлэтиир.

Республика чизин теннискэ элбэхтик көмүскээбит оонньооччунаан спорт маастара Сергей Ли буолар. Кини эмиэ Приморскай кыраай спорда итиллээччигэ, онон Россия спордун маастара буолбута. Өссө 14 сааһыгар Казахстанна олоро сылдьан ити дойду спордун маастара буолбута. Орто Азия чемпионатыгар иккис миэстэни ылбытын иһин ингэрбиттэрэ. Онон, Сергей Ли остуол тенниһигэр икки дойду — Россия уонна Казахстан спордарын маастара буолар. Кэлин Саха сиригэр Миһирнэйгэ көһөн кэлэн үлэли сылдьар.

Дьахталларга сахалартан спорт маастара буолбут оонньооччу биллибэт. Арай, Нерюнгри остуол тенниһин оскуолатын итиллээччигэ Анастасия Гармашова Новосибирскайга үөрэнэ сылдьан, ити регионтан күрэхтэһэн спорт маастарын толорбута биллэр. Кини Саха сиригэр элбэхтик күрэхтэһэн, республика кыайыылааҕа буолбута.

Остуол тенниһинэн дьарыктанар хас да киһи, ол иһинэн оскуола оҕолоро, Россия киһи регионнарыгар итиэннэ омук сиригэр үөрэнэ-үөрэнэ тенниһинэн дьаныһан туран дьарыктаналлара биллэр. Кинилэртэн остуол тенниһигэр күүстээх оонньооччулар тахсыахтара диэн эрэнэбит.

Виталий СЛЕПЦОВ,  
хаһыат уопастыбаннай  
корреспондента.



▲ Ньургун Сабарайкин.

кэпсиэхпин баҕарабын

# Убайдарым үтүө ааттарын умнубаппын



▲ Макар Иванов.



▲ Валерий Охлопков.

Мин спорт эйгэтигэр 1990–2011 сылларга нэһилиэгим спорда сайдарыгар сэмэй кылааппын киллэрэн үлэээбитим. Ол туоһунан, төрөөбүт улууспар 4 спорт туһунан кинигэ ааптарабын. Бэһис кинигэм матырыйаала хомулла сылдьар.

Бу кинигэлэр тахсалларыгар үгүс сырабын-сылбабын ууран, хас биридди кинигэ ымпыгын-чымпыгын эт сүрэхпинэн билэн уонна дьүккүөр тулуурбунан аһаран таһааргарбытым. Үйэбэр үтүө өйдөбүлү, Намым улуунун спорт сайдытыгар дьонун кылааппын киллэрбиппиттэн киэн туттабын!

Онтон бүгүн мин суруйар дьоннорум, төрөөбүт нэһилиэкпиттэн төрүттээх, убайдарым курдук саныыр, билигин хомойуох иһин, биһиги ортобугу тугар суохтар. Ол да буоллар, оччотооһу көлүнэ дьоно, бэй-

элэрин кэмнэригэр олон ааспыт, истинг сыһыаннарын уонна сэмэй ситиһиллэринэн төрөөбүт нэһилиэктерин уонна оройуоннарын ааттатар, спорт көрүннэригэр бэйэлэрин туспа көрүүлээх сыһыаннарын көрдөрбүттэрэ.

Ол курдук, убайдарым көңүл тустуунан уонна хапсаҕай курдук халбас харатын өрө туттуттара. Бүгүнгү дьоруойдарым тэбис-тэн саастаах Макар Иванов уонна Валерий Охлопков буолаллар. Макар уонна Валерий биир оскуолаҕа үөрэнэн, кыра оскуола спортивнай саалатыгар тэлгэммит маатыгар көлөнүннэрэн тоҕон биригэ эрчиллибиттэрэ.

Бу сыллартан Сахабыт сиригэр көңүл тустуу балысханлык сайдыбыт кэмигэр, үгүс оройуонтан араас таһымнаах тустууктар ааттара ааттанан тахсыбыт кэмнэрэ этэ.

Оччолорго биһиги оҕолор киэнни биллибит, сүрэхпитигэр ымыы онгостон илдьэ сылдьыбыт кумирдарбытын, кумааҕыга уруһуйдаан уонна кырийан, салгыны хамсатан туһуннарар этибит. Дьэ, "ый-хай" көрдөөх


хаһыта-мөккүһүтэ манна буолара. Ол "кумааҕы тустууктарбыт" кэннигэр ааттарын суруйан, Араассыйа, ССРС, Европа уонна Аан дойду чемпионнара кириэллэрэ. Ити тустууктарбыт быыстарыгар Макардаах Валерий кириэн, улахан тустууктарбытын "ууга-уокка" түһэрэллэрэ. Олус уһундук оонньоон, кумааҕы тустууктарбыт илдьириэн, ааттара сүтүөр диэри оонньоурбут.

Онтон Макар Иванов уонна Валерий Охлопков олохторун тустарынан суруйар буоллаха, Макар — көңүл тустуунан, онтон Валерий ордук хапсаҕай көрүнгүнэн дьарыктаммытара.

## Инники күөнгэ сылдьыбыта

Макар Иванов 1950 сыллаахха Нам оройуонун I-кы Хомуустаах нэһилиэгэр төрөөбүтэ. 1957–58 сыл үөрэх дьылыгар ыаллыы сытар Партизан сэттэ кылаастаах оскуолатыгар кирибитэ. Ити кэнниттэн Хомуустаах оскуолатыгар аҕыс кылаастаах оскуола аһыллан, 1965 сыллаахха Хомуустаах оскуолатын ахсыс кылааһын бүтэрбитэ. Оскуола кэнниттэн "Нам" совхозка үлэли сылдьан, 1968–70 сылларга Сэбиэскэй Аармыйа кэктигэр Улан-Удэҕэ сулууспалабыта.

Манна Макар бастакы күрэхтэһинин, сулууспалыырт арддивизионуугар бастакы миэстэни ылан, тутатына спорт ротаҕа көһөрүлэн, бири дойдулааҕа Иннокентий Бугаевтын (кэнники ССРС спордун маастарын толорбута) эрчиллибиттэрэ. 1968 сыл кыһыныгар Чита куоратыгар ытыллыбыт Забайкальскай байыаннай окурук күрэхтэһинигэр тустан, бастакы миэстэни ылбыта. Бу күрэхтэһингэ табаарына Иннокентий Бугаев бэйэтин ыйааһыныгар эмиэ бастакы ми-



эстэни ылан, иккиэннэрин ЗабВО спортивнай кулубугар ылаллар. 1969 с. Минскэйгэ ССРС Сэбиниилээх Күүстэрин чемпионатыгар кыттан, Макар бэһис миэстэлэнэн, маастарга кандидат нуорматын толорбута. Манна табаарына Кеша ыйааһыныгар бастакы миэстэни ылан, ССРС спордун маастарын толорбута.

Сулууспатын бүтэрэн Макар "Нам" совхозка спортиструкторынан, кэлин ойуур хаһаайыстыбатыгар леснигынан үлээбэтигэ. Таптыыр көрүнгүн бырахпакка, оройуон араас таһымнаах күрэхтэһинэригэр инники күөнгэ сылдьыбыта.

Ол курдук, 1971 сыллаахха Нам оройуонун сахалыы көрүнгүнэрин сайынны спартакиадатыгар, хапсаҕайга 53 киилэҕэ бастакы миэстэни, Дьокуускайга ытыллыбыт Манчаары спартакиадатыгар үгүс миэстэни ылбыта. 1972 сыллаахха Саха АССР төрүттэммитэ 50 сылыгар аналлаах Нам оройуонун сайынны спартакиадатыгар иккис миэстэни ылбыта. Көңүл тустууга 1973–74 сс. Нам оройуонун икки төгүллээх чемпиона. 1973 с. Дьокуускайга ытыллыбыт "Урожай" общество республикатааҕы сэбэтин чемпионун лиэнтэтин кэппитэ. Оһолго түбэһэн, доруобуйата мөлтүүр кэмигэр, 1976–77 сылларга иккитэ бастаабыта. Макар бу бүтэһик күрэхтэһингэ этэ, ити ыарытыттан бэргээн, 1980 сыллаахха олус эрдэ олохтон барбыта.

## Ситиһилэрин грамоталара туоһулулар

Онтон Валерий Охлопков олоҕо эмиэ дьүөрэллэр курдук: оскуола сыллара, тустуунан дьарыктаныыта, армия олоҕо, эмиэ техник-лесник үлэтэ. Валерий оскуола сылларыгар көңүл тустуутун сыһа хаал-

ларан, хапсаҕай көрүнгүн ордон, бэйэтигэр чугастык ылыммыта. Улахан кылааска үөрэнэ сылдьан, оройуон сайынны спартакиадатыгар, бэйэтиттэн аҕа саастаах улахан уолаттары кыайан, аата биллибитинэн барбыта. Оройуон сахалыы ыстаныларыгар, ордук "куобахтаан" ыстаныыга үс төгүл (1968, 1973, 1974 сс.) чемпионнаабыта. 1986–87 сылларга субуруччу иккис миэстэни ылбыта.

Манчаары бириһинигэр Нам оройуонун сүүмэрдэммит хамаандатыгар кириэн кытыбыта биллэр. Сайынны спартакиадаҕа хапсаҕайдаан тустууга Валерий Нам оройуонугар 1968–1985 сылларга (17 сыл тухары) 11 төгүл бастаабытын, үс төгүл иккис уонна үс төгүл үгүс миэстэлэри ылбытын туһунан, кини ылбыт грамоталара туоһулулар. Маны таһынан Валерий сайынны от үлэтин "Күүлэйигэр" элбэх төгүл бастаабыта уонна бириистээх миэстэлэри ылбыта биллэр.

Валерий баара-суоҕа 39 сааһыгар оһолго түбэһэн орто дойдуттан хомолтолоохтук барбыта.

Убай курдук саныыр аҕа табаарыстарбыт (биһигиттэн 5–6 сыл аҕа этилэр) оччолорго кыра уолаттары биһигини, хамаанда чиеһин туһугар тустуу абыланнаах көрүнгэр: элбэх оҕону талан ыйааһыннарга туруоруу, сорохторго ыйааһын түһэрии ньымаларын, күрэхтэһингэ тустар араас албастарын үөрэтэн-такайан, ыйанкэрдэн биэрэллэрэ өйбүтүгэр инэн хаалбыттар. Кинилэр бэйэлэрин холобурдарынан үүнэр көлүнэни иитиигэ, сэмэй кылааттарын билигин биһиги киэн туттабыт. Ол курдук, биһиги олохпугар дирин өйдөбүлү хаалларбыттарын өрүү санаахпыт!

Анатолий СОФРОНОВ-Онтуон, СР спордун бэтэрээнэ. Нам.

